

ЦУССА МИНАЛИЙ ЦУССА МИЗИТ

Июль зурул 7-ний Новострой-райсса Цуссалакрал шяраву хъунни жамятран хъинну хъуннасса агъамшиву ва ххаришиву дусса иш-тйивтунни мизит. Му иширан хас буну шикку хъуннасса байран сакин дурну дия. Хъинну исвагъисса мизит буну бур сенатор Сулейман Керимовлул хIарачатрайну. Мизитран личи дурсса аьрщарай мадрасагу буллай бур.

Мажлис байбивхъунни Къуръандалул аятру ва лакку мазрай ва аьраб мазрай мавлудру дуккаврийнну. Мизит титIаврил мажлисраву гьуртту хъунни республикалий цIа дурксса диндалул аьлимтал, имамтал, лагма-ялтгусса щархъавасса ва шагьрулиясса хъамал.

Мажлис бачин буну ия МахIачкъаливсса Хъун мизитрал имам МухIаммадрасул-хIажи Сааьдуев. Дагъустаннал муфтий АхIмад-хIажи Абдулалевлул цIания махъ лавхъунни муфтийнал хъирирчу Шяьбан-хIажи Рамазановлул. «Нурул-Ислам» кказитрал хъуна-

ма редактор МухIаммад ХIажиевлул бунсунни зума дугъаврил мюнпатрая ва чирилуя. Мажлисрай махъ лавхъунни Лакрал райондалул имам МухIаммад-хIажи Саламовлул, Ккул-лал райондалул имам Сиражуттин-хIажи Къурбановлул ва цаймигу аьлим-турал.

Ва
номерданий :



лаж. 3

Вихъуллал Аьшавхъал МухIаммад



лаж. 4

Мизитиртгал агъамшиву



лаж. 5

Шавваль зурул ххаришиву



Агъаммунил ялув бацIи!


НОВОСТРОЙРАЙССА ЦУССАКУЛЛАЛ ШЯРАВАЛИЛ ИМАМНАЦАЛССА ИХТИЛАТ

Цуссалакрал район Новострой-райн диган дуллай, цусса миналил щархъурду сакин хъанай дур. Бизлай бур Цуссаккуллал жамятту. Уттигъанну жул корреспондент хъуна авкъунни му жамятраву имамну зузисса ХIажимурад МухIаммадовлуцIал.

ХIажимурад-хIажи, буси кутIану виятува. На увссара 1983-ку шинал Кизилпортлив, Ккуллатусса Ширванинал ва аьпа баннав Гуляятлул кулпатраву. Дуклан увхссияв МахIачкъаливсса Исламрал универ-

ситетравун – ДИУ. Гикку дуклай унува лавгра практикалийн Ккулун диндалул даву дачин дан. Кикку кулпатрацIал (Ккуллатусса бур кулпат) уссияв кIирахъул шинай – мизитраву зий ва Ас-салам кказитрал вакилну. Дуклу ивзра Новостройрайсса Цуссаккуллал шяравун. Цана дуккавугу гихуннай дачин дуллай, шяравусса мизитраву имамнугу зий ура.

ХIакъинусса кьини шяраваллил жамятраву диндалул тагъар цукунса дур? Жамятраву диндалул тагъар оьккисса дур учин къахъунсар. Цанчирча, ттул



пикрилий шиккусса агъали хъунмасса хIаллай Цуссалакрал райондалий чачаннал ва ярусаннал чIарав яхъанай бивкIунтий, тайннал миллатирт-тавусса диндалул багъу-бизу чIалай, мукунма вайту Исламрайн кIунклу хъанай бивкIхъунсар. Мизитравун бучIаймигу чIявуми бур жагьилтал.

Имамнал давриву цукунса захIатшивуртту хъуна дакъай? Яла хъуннамур захIатшиву хъанай дур диндалува фарзну ккаккан бунмур, чара бакъа бан аьркиншиву инсантуран бунчин баву.

Турциянаву дуккаву дуллай бур личи-личину



Турциянал чЯвумий халкъуннал миннат къамул буну, хЛукуматрал Халкъуннал образованиелул министрстволул хЛукум буну бур дуккаву дайсса идарарттай оърчру ва душру личи-личину дукланса сант щаллу дан. Му хЛукумулин буну, ялун нанисса ацВа зурул дянив Турциянал гьарца шагьрулий ва шяраву душварансса лицейрду титгин най бур. Турциянал образованиелул министр Наби Авжинал тимуни буну, мукунсса сант дурну махъ дуклан бучайсса душру хьиннува гьарза хьунтиссар, тIар.

АсхIабнал зиярат лекъан бувунни



Сириянаву нанисса дяъвилул хIасилданийну, ялун бивчусса бомбардал ппив буну бур машгьурсса асхIаб ва бусурман аьралуннал бакIчи Халид бин Валид увчусса кIанай бувсса мизит. Мукун баян буллай бур АРР тIисса информаци-ялул агентстволул. Сириянавусса агьалинал ихтиярду дуруччайсса къуллугьрал тIимунин буну, Халид бин Валиддул мизитрайн битаву дурну дур хЛукуматрал аьралуннал чулуха. Ва мизит хьанахиссар бусурманнан хьинну агьамшиву дусса кIану, шиккун зияратрайн чIявусса агьалигу бучайссия.

Пиволул ня зия дайссар



ХIан-чяхир хIачIайсса халкъуннал нервардайн хьунмасса гуж багьайсса бур ва мунияту цIуллу-сагьшиврун нигьгу дусса дур. Мукунсса хьиривляяву дурну дур Испаниянал Сантьяго-де-Компостела тIисса университетрал духтуртурал. Миннал тIимунин буну, нюжмардий пиволул шанна кружка ягу чяхирданул шанма бокал хIачIаву гьассар тIар инсаннал няран хьунмасса зарал хьуншиврул. ХIачIайсса инсантурал ня ччяни хьуннар шайсса дур, ва нервардал системагу гуж бивтун зузи дайсса дур.

Кюрххицун Чумалсса барачат

Дунияллул маэшат буллалисса инсаннал хьунмасса яхI буну, хIарачат бувай цанма хьинну хайр биянсса кIану ва чIун ххал дуллай. Ми кIивагу мурад щаллу баншиврул мунан хьхьувайсса шанугу дяхттасса игьалагаву хьама битай. Ттухь цаннал бувсуна, помидордал машинагу бувцуну най цимигу шагьрулин ившиву, багьа лавайсса кIану ххал буллай, мукьра хьхьу-къаини шанугу къалавхьун. Шану къабияншиврул дарурттугума канай ивкIун ур. Буругияра, диндалул уссурвал, му инсаннал миксса гьантрай цалва чурххай бувсса гуж ххал бувара. Ссахлуну бувсар куну цIуххирча, так арцу лякъиншиврул бакъарив? Бачияра бурганнуча, урив жула дянив цу-унугу эбадат дуллай мукьра хьхьу-къини утгара дайсса?

макъала: Абдуллагъ МухIаммадов

Ахиратлуву бикIантIимуния хьунмасса хайр бияншиврул ккаккан дурсса, барачатсса чIунугу дуссар. Эбадат дан хьинсса занаману хIисав байссар кIюрххал чак буну махъ баргъ гьаз хьуннинсса манзил. Мунил ххирашивруа бусласисса чIявусса хадисругу бур: «КIюрххил чак жамьатраву буну, баргъ гьаз хьуннин Аллагъ ﷻ кIици лаглай щяивкIманан шайссар щаллуну бувсса хIажлил ва оьмралул чири». «КIюрххил чак буну махъ чак бувсса кIантIава икьавзун, хьинмуния бакъа цамур гьалгьагу къабуну, зухIалул чак баннин щяивкIманал бунагьру шюшайссар, хьхьиривусса хьамаксса бухьурчагу». «Малаиктурал салават дутайссар чак бувсса кIанайва щяивкIун, аьркиншиву дакъасса ихтилат къабайманаха. Миннал учайссар: «Я Аллагъ Ина ванал бунагьру шюша, я Аллагъ Ина ванай цIими биша» – куну. КIюрххил чак буну махъсса чIун хьанахиссар Идавсил ﷺ цалва умматраха дуаь дурсса чIун. ХIадисраву увкуну бур: «Я Аллагъ, Ина барачат биша ттул умматиннай Кюрххицун Чумал», – куну. Цамур хIадисраву куну бур: «КIюрххил чак буну махъ баргъ букканнин такбир-тасбихIру, зикри буллай ацIаву хьинссар Исмаил идавсил ﷺ наслулиясса кIива лагъ тархъан авуниар», – куну. Цува Идавсугу ﷺ кIюрххил чак бувсса кIанай баргъ хьинну лавай гьаз хьуннин щяивкIун икIайва тIар. Пикри бувара, диндалул уссурвал, жува му кIюрххил чак буну махъсса замана цукун гьан буллай бурув. ЧIявумур чIумал шанай къабикIарув? Му чIумал бивсса ца нахIусса шанугу щяйтIаннул давурихха. КIюрххил чак буну махъ савав дакъасса суннат чак баву карагьатссар, къахьинссар. Му манзил хасну зикри-тасбихI бан ккаккан бувссар. Вирд дусса инсаннал мий дан яла сант думур, ххирамур чIунни. Ялагу, му чIун хьанахиссар инсантурайх ризки-маэшат бачIаачисса чIун. Шанашиманахьхьун мугу къабирияйссар.

ТIаваф дайсса чIаму



ЦIана Маккаливсса Масжидул-ХIарамраву най дур мизит хьунма буллалисса давуртту. ХIажитуран тIаваф дан бигьа хьуншиврул, Къябалул лагма кIизивулийсса чIаму дуллай бур. Мунил диаметр дур 94 метра, утташиву 12 метра.

ТIаваф дуллалисса хIажитурал бугьантIисса кIану хьанай бур 3000 кв. метра. Ва чIаму дулла-лисса архитектортурал ният дур хIаж ва оьмра бан бувкIминнал цукунчIавсса захIматшиву къархьуну тIаваф даву.

Шаназарва кулпатран кумаг

Рамазан зуруй Чачаннаву ми-скинсса ва чIявусса оьрчIру бувсса кулпатирттан дуки-хIачIиялийнусса кумаг буну бур. БавчIуну бур дикI, чассаг, накI, ахьулсса, ччатI бусса паке-тру. Мукунсса кумаг бивну бур

Курчалой ва Гудермес районн-найсса агьалинан. Му бакъассагу, щалва Рамазан зурул мутталий республикалул шагьрурдайса мизитрттаву гьарца къини уквасса зумаритавуртту дуллай бивкIун бур.



Учредитель
Благотворительный фонд «Путь».
Газета печатается по согласованию и одобрению
Духовного управления
мусульман Дагестана

Редакционный совет

Председатель редакционного совета
муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Главный редактор
Заурбек (Абдулла) ЯИКБАЕВ

Редактор
Иса ОМАРОВ

Канонический редактор
Курамухаммад МАГОМЕДОВ

Менеджер
Абдусабир АХМЕДОВ

Дизайн, вёрстка
Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации
ПИ № ФС 77-37006 от 29 июля 2009 г.
При перепечатке ссылка обязательна.
Набрано и сверстано на компьютерной базе газеты
«Ассалам».

Отпечатано в ООО «Дом печати»
по адресу: пр-т Акушинского, 20

Заказ №

Тираж 3000 экз.
Сдано в печать 31 июля 2013 г. в 16:00

Индекс 51388

Адрес редакции
367015, РД, г. Махачкала,
ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефону: 914-222, 8-988-291-42-22.

E-mail: assalamlak@mail.ru
www.assalam.ru

Вихъуллал Аьшавхъал МухIаммад

МухIаммад увну ур 1880 шинал Вихълив Зурбалав МахIаммадлул кулпатраву. Кулпат хъинну мискинсса бунагу, МахIаммадлул хъунмасса захIмат бивхъуну бур арсна дурккусса аьлимчу ан. Дуклан диндалух гъира бусса унутгий, буттал га гъан увну ур цалчин шярваллил хъун мизитравун. Яла га гъан увну ур дуклан ЧIяв Саид-КъадиначIан, Щуй-шиял мадрасалувун АьбдулхIалимлулчIан ва Гъумучиял мадрасалувун.



Гъумук МухIаммад лахълай ивкIун ур аьраб, турк мазру, хIисавртту, астрономия, философия. Шикку га хъунаавкъуну ур НицIавкIратусса муаьллимтурашал: Хъун-ХIасаннушал ва Чиви-ХIасаннушал. Мадрасалуву ганал дусталну бивкIун бур Гъухъалиясса Муслим-хIажи, ГъунчIукъатIатусса Нурислан, ЧIаящиятусса Оьмар, Гузунов ХIасан, Ккурклиятусса Зайду, Хъуриятусса ЦIаххуй, Юсуп-къади ва НицIавкIратусса

Башларовхъал Аслан-ХIусайн ва цаймигу. Гъумук шанна шинал дуклайгу ивкIун, МухIаммад лавгун ур Чиркей тIисса ярусаннал шяравун. Дуклакисса хIаллай лавхъхъуну бур яру мазгу. Ярусаннай дуккаву къуртал дурну махъ ганал Щурагъ къади шайсса экзамен дуллуну дур. МухIаммад ЧIявусса кIанттай дуклай ивкIун ур, амма мунаяту гъартану кIул бан ЧIявусса задру жуща къавхъунни. Цала диндалул элмурдал даража куртI бан МухIаммад цала дуснашал Гъухъалиятусса Муслим-хIажинашал лавгун ур Туркманнавун Гули-къала тIисса кIанттайн, Азирбижаннавун Мугъан тIисса кIанттайн.

Мадарасса хIаллай дуклайгу ивкIун, МухIаммад зун ивкIун ур къадину Гъумук Муркъилинахъал мизитраву. Цаппара хIаллава МухIаммад зана хъуну ур буттал шяравун. Га зий ивкIун ур къадину Вихъуллал хъун мизитраву. Шяраву га хъинну хъунмасса хIурмат бусса, махъ бачайсса аьлимчу ивкIун ур. Ганал цала мизитраву цила багъай-кунсса даражалин гъаз дурссар Къуран чичинлахъхъин баврил даву. ГаначIан диндалул элмурду лахъхъин бучIайсса бивкIссар цайми шяраватусса оьрчIругу. МухIаммад-къадиначIа дуклай бивкIун бур: Хъурхъиятусса Джабраил, Ккулатусса Малла Аьлил, Щуйшатусса Аьлихан, Туранчихъал МахIад, Бадави, МухIад, АхIмади, Кураллава Бабугаттин, Усишатусса Салим-хIажи, Дюхълиясса Къичи-баг, Сухъиятусса Аьбдулхаликъ ва цаймигу. МухIаммад-къади цала шяраву зий ивкIун ур къадинугу дибирнугу. Мунал бивкIун бур ЧIявусса лугттрду. Цила чIумал МухIаммадлул ва ганал уссил Аьлил ябуллай бивкIун бур НицIавкIратусса цайх Сайпуллагъ-къадинал лугтирду. ГаначIан лугтирду биян бан увкIун ивкIун ур Башларов Аслан-ХIусайн. Хъирив багълагъисса ппурттуву Аслан-ХIусайн къюлтIну яхъанай ивкIун ур Вихълив Аьшавхъал АьличIа. 1930-1936 шиннардий репрессиярдал чIумал дин-



далул дурккусса аьлимчу уну тIий, МухIаммад-къадинан багъну бур шяравату гъан цала диндалул дустурачIан. Хъунмасса хIаллай цайми кIанттайху уклай ивкIун, МухIаммад-къади зана хъуну ур цала шяравун.

Цуксса бахчилай бунугу, ци замана бучIарчагу МухIаммад-къадинал дин къакъариртун дур. Цала оьрчIан, уссин Аьлилун ва гъанчунан диндалул элму къюлтIну лахъхъин дуллай ивкIун ур. МухIаммад-къади накълу хъуну ур 1974 шинал, оьрмулул 93-нна шинаву. Мува Вихъуллал шяраву ивкIун ур цамагу аьлимчу Щилуми-ХIажи, репрессиялул чIумал бирибат увсса. Амма ганал оьрмулия цичIав кIулну бакъар халкъуннан.

Я Аллагъ, вайннал барачат бияннав цIунилгу щалагу жула Лакку билаятрайн!

Аьйшат ХIажиевал «Лакрал шайхтал, валитал, аьлимтал» тIисса луттирава


Интернет: зарал ва хайр

ХIакъинусса къини интернет цирив къакIулсса инсан нажагъгу акъахъунссар, цанчирча, цIана ИнтернетравухчIин хъуниминналгу мюрщиминналгу цала-цала аьркиншивуртту щаллу дай. Мунивух щаллу бан бюхъайсса иширтгах бурувгун чIалай бур му жунна Аллагънал ﷻ буллусса хъунмасса неъмат бушиву. Масала, мунивухчIин жушчава бюхълай бур архсса билаятрай уманащал ихтилат бан, элму лахъхъин, ва м.ц.

макъала: МухIаммад Шаьбанов

Бусурманчувнал яла-яла хъинну къулагъас дан аьркинссар задгу хъанахъиссар цала дин щаллу дансса элму кIул даву ва дин лайкъсса куццуй дачин даву. Интернетравугу дур ЧIярусса бусурманнаща пайда ласун бюхъайсса сайтру, масала, www.islamdag.ru, www.islam.ru. Интернетрал яла хъуннамур ххуйшиву дур ганивух халкъуннайн Исламравун оьвчин бюхълай бушиву. ЧIявуссаннал му куццуй Ислам къамул дуллайгу бур. ХъхъичIа агъалинан диндалул ххуллу лахъхъин бан ччиманан ххуллунхаржгу буну, ЧIярусса захIматшивурттугу ккюрхIуну, лахъисса сапарданин ачин багълай бивкIхъурча, хIакъинусса къини шава мониторданул хъхъичIгу щяивкIун чIяйгу хIачIлай халкъуннан дин лахъхъин дан бюхълай бур. Жува бикIару дин лахъхъин даву так аьлимтурал, имамтурал даву ххай, амма Аллагъу Тааьлнал дин гъаз

даву так цавай аьлимтурай ялув къабувссарча, гъарцагу бусурманчув цащав шайкун муниву гъуртту хъун аьркинссар. Мува islam.ru сайтравунгу урувгун, винма ххуй бивзсса макъала ягу хавар-къисса вила «Одно-классники» ягу цайми сайтирдавусса лажиндарай дишин захIматусса иш бакъархха. Щин кIулссар, ина мукун



дирхъусса макъала дурккуну ца пуланнал Ислам къамул дан бюхъайхха. Га инава канил ка дургъуну Исламравун увцува кунассар. Идавсил ﷻ хIадисраву увкуну бур: «Ца инсан Исламравун уцаву ва щалла дуниялнияргу дунияллуву думунияр-

гу хъинссар», – куну. Мунишал архIал интернетрал бур оьккимур чулгу, цанчирча, миву хIарамсса чапалшивугу хъинну ЧIярусса дунутгий. Статистикалул тIимунин буну, интернетравусса сайтирдал шанма бутIул ца бутIа порнографиялул сайтру дусса дур. Жунма кIулсса куццуй, мукунсса сай-

хъуннасса нигъачIин дуссар, цанчирча, къатIув пулансса душнищал кIул хъун, гъалгъа бан ганил нитти-буттая, уссурварая нигъа усайма, ягу гания циятура нач шайма, интернетравух цукунчIавсса нигъ-нач дакъа чичлай ур. Мукунсса тагъарданул ахирданийгу зуна баврил нигъ дуссар.

Ялагу, тIайла бакъасса ххуллу бугъумийгу бур интернетравух цала даву дачин дуллай. Миннал ЧIярусса сайтругу дур. ХIасил, халкъ хIакъисса Исламрал ххуллия бйкъин буллай, дяхтта ва хъхъувай щябивкIун чичлачими ЧIявур. Ислам куртIну къакIулсса инсан миннал бигъану аьйкъин уллай ур. Мунияту, нитти-буттал цалва оьрчIал компьютердаву ци дурив, ми щичал ихтилатру буллай бурив ххал бан, хъирив бацIан аьркинни, оьрчI ягу душ телефондалух ягу компьютерданух щябивкIсса чIумал: «Гъула, ккаккан ба ина щичIан чичлай ура?» – куну цIувххуну. КIучI данмур дакъахъурча, мунал ккаккан данссар, амма ладиглай ухъурча, нитти-буттал ургъил бан аьркиншиврул лишанни. Идавсил хIадисраву бувсун бур гъарцаннал цалва кулпатрах ва оьрчIах жаваб дулун багъантIшиву. Къия-масса къини жухъва цIуххинтIиссар оьрчIру цукун тарбия буллай буссияв, куну.

Интернетравун уххайманан хъама битан къабучиссар цува мунан Аллагънан ﷻ чIалай ушиву, мунияту, халкъуннал дянив дан начмур гивугу дуллан нач хъун аьркинссар.

Мизитирттал агъамшиву

Идавшиву дирккун 13 шин ларгун мукъах жула ххирасса Мухаммад Идавс ﷺ Маккалия Мадиналийн ивзссар. Григорианнал календарьданийн бувну му диркссар 622 шин. Мадиналийн нани ххуллий му Къубаъ тисса кінттай аглан хъуну, микку мизитрансса гъану бивзссар. Мукуна Бану Салимхъал аьрщарайгу аглан хъуну, миккугу мизитрал гъану бивзссар.

автор: Аминат Ибрагъимова

Идавс ﷺ Мадиналийн изайхту, миччаллил агъулданува гьарманан ччай бивкссар Идавс ﷺ цачлава ливккуну. Му чумал Идавсил ﷺ варани чув бавцурив, микку ликканна увкссар. Му варани бацлайхтугу, му бавцисса кінттай мизит буллантишивугу баян бувссар. Ялув кичи лавгмунива чалай бур Идавс ﷺ цува ца кінаня цамур кінанайн куч хъанахъини цанмасса къатлул балаллий къаивкшиву. Цува чун изларчагу, цала гуж, къудрат мунал мизитру баврийн тйала дурну диркшиву. Мизитру баву – хъинну агъамса ва хъхичлунсса даву му диркссар мунал. «Къакъунттул къорттарал лагрулийсса мизит бувманангума Аллагу Тааьланал Алжаннаву къатта бантиссар», – увкуну бур Идавсил ﷺ цала хадисраву. Мизитирттая хъинну хъунмасса мюнпат

буссар гьарманан бакІра-бакІрахгу, аьмну жяматрангу. Мизитирттал цаппара агъамшивурттая бусанну:

1. Мизитраву гъантлун ххуйла ца кулпат кунма цачлун бавтлуну ккуркки лагайссар личи-личисса инсантал, ми ци миллатрал, ци багу-бизулл, ци ахвалданул агълу бунугу. Миннал дянивсса усурвалшиврийсса арарду цакъ хъанахъиссар.
2. Мизитрал циняв бусурман архІал бацІан буллалиссар. Къинилул, къуллугърал хъуншиву личи дакъа, оьрмулул шиннарди къабурувгун, ду-дакъашиврух къабурувгун бусурман агълу бацІлай бур цивппа ляхъан бувманал хъхичи, ми цакуцну икрамрай бур Заннайн.
3. Мизитрал лещан дуллалиссар хъунисса балардал ва тлаьндакъашивурттал цлу, мизитраву миллат хисавравун лавсуну инсантал бачлаву къадикІайссар, циняв цачлун хъанахъиссар Исламрал ттугълилу.
4. Мизитраву цинявннан, миннал хъус-къинилух къабурувгун, жува Ляхъан бувманал тйаласса законнайн бувну, шариаьтрал диван аьдлулий бувайссар.
5. Мизитрал хъинну хъуннасса даву дуллалиссар инсантал мяьрипат дуну тарбия бан, миннан рувхІанийсса тарбия дулун, мизитраву мударан ккалан бикІайссар Къуръан, лахъхъин дуллалиссар исламрал элмурду, аьлимтурал ва диндалул ишккакултрал, махъ нанисса аьлимтурал



гъаз байссар жяматрал къинилул масъалартту, буккайссар маслихатрал вяъзарду.

6. Мизитрал жямат оьккимуния байщун, махъаллил баврицлун, ми ххуймуничангу кунклу буллалиссар. Вяъзардал оьвтІутІиссар лагма-ялтту-миннащалсса, маьчагъан-

нащалсса, нитти-буттахъащалсса арарду ххуй дуллан, буллалиссар кулпатрал оьрмулуву хъанахъимуницлун бавхлусса маслихатру, мукуна лахъхъин буллалиссар мискинминнаха ва мюхтажминнаха аякъа дан, хъуниминнал хІурмат бан, мюрциминнах къулагъас

дан. Мизитраву чакру буллан занай хъинссар, цивппа личи-личину буллаинияр. Идавсил ﷺ хадисраву бур, жяматрацал цачлу чакру къабуллай, цивппа-цивппалу буллалинал лагма буклантиссар иблис, ми оьккими тІуллачІан кІунклу-хъит буллай, тий.

7. Мизитравун занаврил инсан низамрайн уцлациссар, карчи дагъан къаитлатиссар, танмалшиву нахлу лачлун къаитлатиссар.

8. Мизитирттаву бусурманнал хъуна дакълакиссар ххаришивурттугу, къурчишивурттугу. Жяматрал аьлимтурахъгу цлухху-бусу бувну къювусса суалансса жавабру ляхъляхъиссар, бан-битанмунил хІисав-сант дутлалиссар.

9. Мизитру бакъасса шяраваллаву агъали ккурчІа-чІирахун бавтлуну, бусукурдалсса буллай, аьркин бакъасса хавардахун багъну аьдада члун гъан дуллалиссар. Увку-къаувкурдал, тардал, бурушинттал инсантурал дянив ссивцу бутлатиссар. Чаклийн оьвтІисса азандалул члу баяврувух бусурман агълу бачин аьркинсар чаклийн мизитравун. Жяматрацал архІал бувсса чаклил 27 даража буссар цалалу бувсса чаклил ца даража бусса чумал. Аллагу Тааьланал кумаг баннав жунма жулла дин тйалану дурчІин, кунная ку арх къабуцлай цучлунну бикІан!

Суфийтурал бусаларду

ПаччахІшиврул багъа

Халиф Гьарун ар-Рашид чйавуну лагайсса ивкІун ур хъунмасса акъулдул залунначІан – Шакъикъ БалхичІан, цайнмагу танаясса барачат биян. Ца къини муначІа зияратрайсса чумал Шакъикълул увкуну бур Гьаруннухъ:

– Пикри ба инава къунналул билаятрай мякълил кІиришивруву ивкІлай. Вил ххассалшаву – ца щинал кичлу. Му щинал кичлулух ци дулунессия?

– Цимурца дулунтиссия. Мукунсса хІакъираву хъуслий мяш шайссарив? – куну жаваб дулун дур Гьаруннул.

– Ми щинах вила дачли хъус, дула увкуссания, дулунтиссия? – суал булуну бур Шакъикълул.

– Хъуслий мяш хъуну, ивчІан ацІавияв туну? – куну бур Гьаруннул.

– Ти пикри бува, дачли хъуслих ларсун щин хІарчІунни ина. Цахъис хІаллава чиви хІажат бивунни, амма му хІажат бан къахъанай ливчІунна ина, азаруннил увгуну. Бан-бит бухлавгуну, дару лякъин къахъанайсса чумал, увкІуну цаннал увкунни: «ТгучІа бур винсса дару, амма ва дарурах на тІалав дуллау ура вил дирчІсса хъус». Ци къел данссия ина?

– Та азардания хъин хъун дулуну гъан дувантиссия. Му азаруннил ивчІан най ухъурчан, хъуслил на цибави?

Ми суаллаа махъ Шакъикъ Балхил увкуну бур:

– Мукун бухурчан, личІлулу икІу, вила хъуслийн чул бивщун маикІара, вивунна цал ругу-руртІуну, виватура экъи руртІусса щинаяр къювкъусса. Ми хъуслийну щилкІуй хъхичи дакІ мадував! – куну.

Дувача халифнал къулбас

Омейяднал хъунама халиф Оьмар бин Абдуль-Аьзиз канилу щаллусса хІукумат дунува, ивкІун ур хъинну паракъатсса, пахру-ххара бакъасса оьрмулий яхъанай.

Ца хъхъуну муначІан вазирнал къутІгу куну увкуну бур.

– На хъинну агъамсса иширай увкІра, – куну.

– Ттуща ина къамул уван къахъунссара, тгучІа ца чирахъ бакъа бакъар, мугу ттул щалва кулпат бусса къатлуву бур, куну бур халифнал.

– Амру бува, на ттигу ца чирахъ лавсун учІаннача, – куну бур вазирнал.

Оьмар бин Абдуль-Аьзизлул чивчуну амру гъан бувну бур вазирнащал, чирахъ ласаврил къулбас хъирив къини дуванна, куну. Амма хазначинал чирахъ къабуллуну бур.

– Халиф Оьмардул, кІюрххилнин цува сагъну личІансса къулбасгу дувача, – куну.

Пайда бакъашиву бувчлусса вазир лавгун шавайн, лавсун увкІун чирахъгу цала къуллугъ биттур бувну бур.

БивкІу ва иман

Ца аьлимнал кІия мутааьлим ивкІун ур. Ца къини миннал дянив бяст багъну бур. Ца ивкІун ур инсаннан шанай хъинссар, шанай уний мунал бунагъралун агъансса тІул къадайссар, тий. Гама-рив, инсаннан шанайнир Аллагу Тааьланайн иман дирхъуну, дуаьрду дуллау хъинссар тий ивкІун ур. Цала бястлил дя-зума дува учин ми лавгун бурцала устазначІан.

Шанай хъинссар тІиманыхъ устазначІан увкуну бур: «Вин сагъунунияр ивкІуну хъинссар». Гаманарив «Вин ивкІунунияр сагъну хъинссар» увкуну бур. Вана укунсса маслихат бувну бур устазначІан.

Нафсирай каялушиву

Багъадрал Халиф Гьарун ар-Рашид цахава зузи буван пикрилий, суфийтурай каялушиву дуван хІарачат буллау ивкІун ур. Амма миннал му сан къаайсса ивкІун ур, мунал дуллусса хъусгу къамул къадайсса диркІун дур.

Маккалив Фузайл ибну Ияз тисса машгъурсса суфий ушиву бавну, Харун ар-Рашид авчуну ур тихун, та цачІана кІунклу уван. ХъхичІва чапхунчину ивкІсса, Фузайл ивкІун ур гужну сивсусса инсан. Хъуна акъиннинва Фузаиллул увкуну бур халифнахъ:

– Я муьминтурал хъунама! Нигъ дур вил иминсса лажин дуржагъраву хъунсса.

Гьаруннул, цала акъуллийну супий паракъат уван пикрилий, цлувххуну бур:

– Виярва неьматирттайн бархІ буттсса инсангу кІуллив вин? – куну.

Фузаиллул жаваб булуну дур:

– Ина бархІ буттмур хъунмар. Ттуща ва панасса дунияллуин бакъа къавхІунни бархІ бутан. Ина-рив та абадлийсса, неьматирттал бувцусса ахират хъама риртун ура.

Фузаиллул бувчІин бувну бур халифнан, нафсрай каялушиврул багъа хъунмашиву, вай дунияллий буцириннал ялувсса каялушивунияр.

Агъаммунил ялув баџи!

1 « Цаппара бикџай диндалул ялуршиннардунир хъхьичлун буккан буллау суннатмур ягу аьдигиртаву бумур. Халкъ оьккисса бакъар, чџявуминнал учай: «винна къаччимур цаманан мадував», куну. Му хъинсса хасиятрал лишан дур, хладисраву мукума увкуну бунутџий. Амма муницлунгу аьркини ва дунияллий члумуйсса оьрмулуну Аллагънал ﷻ жуйва бивхъусса фарз биттур буллан.

Дуклаки оьрчџащал, жагьилтуращал цукунсса даву дувару?

Цана гъинттул члумал каникуллай цаппара дуклаки оьрчлур бур мизитравун буккин-чичин лахъхъин бучџайсса, жагьилталгу бучџай чак бан, «алхџам», «аттахџияту» тџайлану буккин лахъхъинсса мурадџай. Му бакъассагу, бур Махџачкъалаливсса мадрасалия душварахъ дарс дишин бучџайсса хъамитайпагу. Муницлун гъира буну заназисса, дин лахълахъисса хъамигу бур.

Шяравусса мизит та бувсса бур?

Мизит буллау байбивхъуссар жамьатрал хџарачатрайну 2010-ку шинал. Даврий каялувшиву дуллау уссия жула шяравасса Къурбайтаев Къурбайта. Ванал хџарачатрайну 2010 шинал тивтлуссар ххуйсса, хъинну къулайсса мизит. Му цувагу гъарца ишираву кабакъаву дурну чџарав аџџайсса инсан ур. Гихунмайгу кумаг буллан тџий ур, иншаАллагу. Ньюжмар кьини чак буван мизитравун учџай, гъарца мажлисиртџай, бивкџу-буккулий гьурттушинна дувай.

Шяраваллил администрациялун чулуха кумаг бури?

Аллагънайн ﷻ щукру, Новостройрайсса Цуссаккулал шяраваллил бакџчи Мухџаммадов Руслан ур дин-чак дайс-

рин хас бувсса. Ялагу бивкџулун хџакъиравусса суаллу буллан бикџай. Ми бакъассагу иман-исламрая, чаклия цлуххай.



са, мизитравун чак бан учџайсса, мундан гъарца иширттаву чџарав аџџайсса инсан. Ччарча мизитран аьркинмур щаллу дан, ччарча Ас-салам кказит чичаву дан кумаг бувай.

Жамьат чџявуну ссал хџакъиравусса суаллу буллан бикџай?

Цана Рамазан барзгу бухъувкун, чџявуми суаллу бикџай зума дугъав-

Цуссаккулал шяраву Ас-салам кказит чичаву цукун най дур?

Гъарца шинах кунна, гъашинугу кказит чичаву най дуссар. Шяравух занай, кџилчинмур дачџишинайсса кказит чичин буллау бур.

Ккуллал, Цуссаккулал шяраву хъхьичџа бивкџсса аьлимтурая ци бусан хъунссар?

Ккуллал шяраву хъхьичџа заманнай бивкџун бур дин кџулсса аьлимтал: Оьми-Къади, Оьбакџхъал Аьли-Къади, Ячахъал Малла-Аьлил ва цаймигу. Оьми-Къади дарс дихълай ивкџун ур Къукнивсса мадрасалуву. Аьли-Къадиал Стамбуллайсса Исламрал университет кьуртал бувну бивкџун бур. Мунал бивкџун бур хъунмасса библиотека, чџярусса чичруду. Мунал цаппара лутгирду ливчлун бивкџун бур Малла-Аьлиллуџа.

Лакраву хъхьичџа кунма диндалул кьимат лавайну бикџаншиврул ци бан аьркинни?

Ттул пикрилий диндалувусса агъам бакъасса иширттал ялув бяст-ччаллахун къабагълай, куннал хъирир ку къабаџлай, мюрш къабикџлай, агъаммунил, фаризамунил ялув бавџлуну, куннах куннал хлурмат буллау, куннахун ку бахкъачилай, зарал биян къабуллай бикџан аьркинни. Цанчирча, ваймигу миллатру жухва буруглау бунутџий, жува куннал ку бувгъуну бакъахъурча, цайминналгу жунма хлурмат къабайссар.

Жул буккултран ци насихџат банна?

Нитти-буттан аьркинни цалвагу тџайламур лавхъхъуну, цалва оьрчџахунгу Аллагънал ﷻ жуйва ялув бивхъусса фарз биттур буллан бахкъачилан, эбратну бикџан. Гъарца оьмур, оьккимур, хџараммур къариртун, тџайла баџан. Цащаву къабюхълай бухъурча, цалва оьрчџахунмагу бахкъачилан. Аллагънал ﷻ кумаг баннав.

Цлухху-бусу бувссар
Аьбуллагу Оьмаровлун

Шавваль зурул хъирашиву

Шавваль – Рамазан зурул хъирирмур барзри. Му зурул цалчинмур кьини – зума ритавал байрамрал кьини хъанхъисар. Байрандалул кьини зума дугъангу къабучџиссар, хџарамссар. Мунил хъирирвсса ряхва гъантлий дугъаву хъинссар, суннатссар.

макъала: Хџабиб Хџажџаьлиев

Фаризасса зума дугъайсса Рамазан зурул хъирир ялагу ряхра зума дугъавриву цукунсса хџикматшивури дусса? Мунил хџикматру чџяруссар. Щаллусса зуруй ссаур дуллау, дукра чанну канай бивкџсса инсантурал нафсран ччан бикџайссар цакуну чџярусса дукра канан. Мукунсса члумал цлунилгу зума дугъаву нафсран хъинну захџматссар. Мунин бувну, Шавваль зуруй цалва нафсрайн къарши увкун, Аллагъ ﷻ рязи увну зума дугъаврихъсса чџири хъинну хъунмассар. Абу Аюб аль-Ансариная ﷺ бувкџсса хладисраву Мухџаммад Идавс ﷺ тџий ур: «Рамазан зуруй зумагу дургъуну, хъирир Шавваль зуруйгу ряхва гъантта бувгъуманан щалла шинай зума дургъуссаксса чџири буссар» (Муслим). Шавваль зурул ряхва гъантта ва щалва Рамазан барз цинугу 36-ва гъантта хъанай бур. Вай зувилли ряхва гъантлий зума дургъуманан мукун хъунмасса чџири циван буссарив жунма бувчџай бур цамур хладисрава. Ибну Аьббас ﷺ буслиай ур Идавс ﷺ увкушиву: «Хъинсса аьмал бан ният дурну, амма му бан къавхъуманан Аллагънал ﷻ ца хъинсса аьмал бувссаксса чџири чичинтџиссар. Хъинсса аьмал бан ниятту



дурну, му аьмал бувманан Аллагънал ﷻ аџџа хъинсса аьмал бувссаксса чџири чичинтџиссар. Оьсса аьмал бан ният дурну, амма къабувманан Аллагънал ﷻ ца хъинсса аьмал бувссаксса чџири чичинтџиссар. Оьсса аьмал бансса ниятрай му аьмал бувманан так ца бунагъ чичинтџиссар» (Бухари, Муслим). Ва хладисрава жунма бувчџай бур бусурманчувнал бувсса гъарца хъинсса аьмалланух аџџийнуса чџири бикџайшиву. Муниятту, гай зувилли ряхрагу зумалух аџџийнуса чџири бухъувкун, цинугу шантуршлий ряхџџалва гъантлий зума

дургъуссаксса чџири хъанай бур. Муниятту, вай суннатсса зумарду даин дугъайсса инсаннал оьрмулуну зума дургъусса кунмасса чџири бикџантџиссар. Рамазан ва Шавваль бакъасса цайми зурдардивасса 36 гъантлий зума дургъуманангу щалла шинай дургъуссаксса чџири бикџантџиссарив куну цлуххирча, мунин аьлимтурал укунсса жаваб дуллау бур: Рамазан ва Шавваль зурдардий дургъусса зувилли ряхра зумалух щаллусса шинай фаризасса зума дургъуссаксса чџири буссар, цайми зурдардивасса вайкссава гъантрай дугъарча, шинай суннатсса

зума дургъуманануксса чџири чичайссар. Жунма кџулли фаризасса аьмалланухсса чџири суннатмунихссаннуяр цукссагу хъунмасса бушиву. Муниятту Шавваль барз ита къабавкъуну, жунма Ахиратлуну мюнпатну лякьинмур барча хъинни. Ялагу цлухлан бикџай, Рамазан зуруй фаризасса зума къадугълай ивкџсса инсаннал Шавваль зурул гъантрай суннатмур дугъан бучџиссарив тџий. Аьлимтурал тџимунин бувну, Шариаьтрал къамул байсса оьзру-сававрайну фаризасса зумарду къадиртманахъ Шавваль зурул суннат-зумарду дугъан ихтияр дуссар, дургъунугу хъинссар. Аммарив Шариаьтрал къамул къадайтсса сававрайну Рамазан зуруй фаризасса зумарду къадургъунна ливчлманай ялувссар Шавваль зуруй суннатсса зумарду къадургъуну, лирчџисса фаризамий хъирир лахъан, суннатсса дугъан хџарамссар.

Шавваль зуруй зумарду куннил хъирир ку къадургъарчагу, суннат биттур бувсанун ккалли шайссар, му суннатрал члун Шавваль барз кьуртал хъуннин дџџайссар. Амма яла ххирамур члун – зума ритавал кьинилул гъунттимур кьини айивхъуну, куннил хъирир ку дугъавури. «Бужайрами» тџисса луттираву чивчуну бур Шавваль зуруй суннатсса зумардан кџанай хъхьичџисса шиннардий къадургъуну лирчџисса фаризасса зумарду хъирир лахъларчагу, миннухлу суннатрахъсса чџиригу чичайсар, тџий. Аллагънал ﷻ кумаг баннав Шавваль зуруй зума дугълай шинай дургъуссаксса чџири хъуншиврул. Амин.

Оърчлан дизайсса царду

Бусурманчунал цалва оърчал хъхьичі бур шанма бурж : ца дизан, тарбия буван, щар дуцин (булун). Ми буржругу биттур буван аьркинссар дин-исламраціун бавкъуну, къабуварча нитти-буттан бунагъ шайссар. Жунма чалай бур ца дизаву хъхьичіва-хъхьичісса бурж бушиву, мунияту нитти-буттахъан хъинну къулагъас дан аьркинни оърчлан бикіу душнин бикіу ххуйсса, хъинсса ца дизан, учиннуча бусурманнал ца дизан.

макъала: Хіажимурад Мухіаммадов

Абу ад-Дарда ﷺ буслай ур Мухіаммад Идавсил ﷺ увкуссар тий: «Мяйжанну, Къиямасса къини зуйн овчинтиссар зула цардайну ва зула буттахъал цардайну. Мунияту, ххуйсса царду дизлазира оърчлан!» (Хіадис кіиці лаглай ур Абу Дауд)

Чививоърчлан оьрмулий дахъра цалли ца дизайсса, мунияту му хъуна хъувкун ттун укун-тукунсса ца циван дizarду тий, пашман къахъананшиврул аьркинни пикри бувну, имамнахъ, аьлимнахъ, хъунаннахъ цѳувххуну маслихат буван.

Ибн Оьмар ﷺ буслай ур Расулуллагънал ﷺ увкуссар тий: «Мяйжанну, яла ххирами царду Заннал хъхьичі – Абдуллагъ ва Абдурахіман». (Хіадис кіиці лаглай ур Муслим). Шиккува учин, жула лакрал чѳявуну Абду.., Абдуллагъ учинсса кіанай Аьвду.., Аьвдуллагъ тѳун бикіай. Кѳулну бикіан, аьраб мазрай «аьвду» тиссар – лагъ, «аьвду» тиссар – занаиклаву. Мунияту Абдуллагъ – «Аллагънал ﷺ лагъ» мяъна дусса ххуйсса цѳания хъанай дур Аьвдуллагъ – «Аллагънал ﷺ занаиклаву» мяъна дусса бунагъравун утлатисса ца, цанчирча Аллагъ ﷻ зана къаикіайссар, Аллагъ ﷻ уттаванассар, муданассар.

Мухіаммад Идавсил ﷺ увкусса: «Дизлазира зула оьрчлан идавстурал царду», «Дизлазира ттул цѳанийну». Жула Идавсил ﷺ чѳярусса царду дуссар: Ахімад, Махімуд, Хіабиб, Башир, Амин. Къуръанналий кіиці бувсса идавстурал царду: Адам, Идрис, Нухі, Ибрагъим, Альясаъ, Исхіакъ, Якъуб, Исмаил, Салихі, Закария, Аюб, Муса, Шуаьйб, Давуд, Ёарун, Юсуф, Ёуд, Луті, Ильяс, Зулкифли, Яхъя, Сулайман, Иса, Юнус, Мухіаммад ﷺ.

Аьлимтурал маслихат буллай бур документидай царду чичайсса чѳумалгу, бюхъайссаксса тѳайлану чичара тий. Масала: Магомед къачивчуну, Мухаммад чичин, Ахмед къачивчуну Ахмад чичин, Габиб къачивчуну Хабиб чичин, Абакар къачивчуну Абуакар чичин, ва м.ц. цанчирча аьраб мазраву бакъассар «Г», «П», «Ц», «Ч» хіарпру.. Ялагу, аьрабнал хъаннил ца чичайни ахирданий «Т» бунугу, учайни «гъ»-лийн кіура байі, мунияту жува, масала Аминагъ къачичланшиврул Амина чичару. Мунин бувну, кіира журалий чичин бучѳиссар тий бур – Аминат ягу Амина ва м.ц. Кіиці данну шикку Идавсил ﷺ кулпатравусса ххуйсса, ххаллилсса хъаннил ва душварал царду: Хадижа, Савда, Айша (Аиша), Хіафса, Зайнаб, Умму Салама, Умму Хіабіба, Джувайрия, Маймуна, Райхана, Сафият, Маријт, Рукъият, Уммукулсум, Фатіма ﷺ.

Ва заманалий чѳявусса хъуна бакъай инсантал цала царду даххана дусса, яла-яла чак буллалими, цанчирча жула Идавсил ﷺ даххана дувайсся цала асхлабтуран царду ххуйсса дакъахъурча. Къабучѳиссар инсан къюкъин уллалисса чулий царду дизлан. Мунил хіакъираву Къуръанналий тий ур Аллагъу Тааьла: «Зула зува къюкъин мабару ва чулий царду мадизларду». (Сура Хіуджурат, 11 аят)

Хъинну бикіанссия нитти-буттахъал цалва оьрчлан жула бусравсса идавстурал, асхлабтурал, имамтурал, аьлимтурал царду дизларча. ИншааЛлагъ лакраву оьрчлан ххуйсса царду дизлай, оьрчалгу ххуйну иман-исламрай оьрму бутлай, нитти-буттахъал Аллагънал ﷻ рязину битаннав. Аллагъумма амин.

Иблислул азар

ДАКІ ХЪУНШИВУ

Къюкліл азардавасса ца азар дакі хъуншивури. Му чѳалан дикіайссар, инсантурал тѳимур сан къабаврийну. Даки хъуншиврул дайдихъу – цува цайн-миннаяр лахъну чѳалачлаву. Му иширайн Идавсил ﷺ увкуссар: «Къауххантиссар Алжаннавун чанссарагу къюкліливу дакі хъуншиву дума». Му къахъ-анахъиссар бусурманчури тѳисса инсаннан Алжан бувагу къаккаккантѳишиву. Амма му щала марці хъун аьркинссар му азардания». Даки хъуншиву – иблислул азарди. Мунил цѳанийри хіакъсса Аллагънал ﷻ лагъная малоьнсса щяйтлан хъусса.

макъала: Рамазан Къурбанов

Даки хъуншиврул инсан аьйкъин увну, диндалин къарши уккан айссар. Му азар дирну диркѳиссар Израиллал агъулдануйнгу, цивпа ляличѳиссару тий бивкѳсса. Мува масалларан ласун бучир фашизмгу. Му азардания ххассал къахъурча, мунил сававрайну бѳайкъинтѳиссару Абу Джагъаль куна. Мунал къюкліливу даки хъуншиву ва къаши щарашаврил, цала оьрму къуртал хъуннин Мухіаммадлун ﷺ оьбала буллан махъ буллуссар.

Жѳугъутнащягу къавхъуссар Идавс къамул уван, хіакъсса Идавс усса чѳалай уна, цала даки хъуншиврул, цамур миллатравасса ивкѳунтѳий. Муъминнал къюкліливу даки хъуншиврул нафсрайн асар булайссар. Аьйкълай ачайссар гъарца Аллагънал ﷻ дуллумуниву, Къуръандалу аятру, Идавсил ﷺ хіадисру къаталайн дурчллай. Аллагънан ﷻ даки хъуншиву къаххирашивруя Къуръандалу чивчуну буссар: «Вих къавхъуми ва даки хъуними хіакъсса ххуллиа баккин бантѳиссар», – тий. Мукунсса инсантурал къюкліливу мудан бикіайссар буруккинтту. Лагмаминная хѳурматру ччай, ми къаккавккуну махъ миннайн Хѳусудшиврий бикіайссар. Цайрасса аьйрду чѳакъачлалай, вайминнал ккаккан дарчагу къулагъас къадуллай, миннущала личѳайссар. Курандалу Аллагъу Тааьлатѳий ур: «Ккаккан бавив зунма хайр бакъасса инсантал? Ми даки хъуншиврул бувгъусса инсантали», – куну. Му аьй цаннай дакъасса, щаллусса агъулланйгу дикіай. Му азарданул бувгъуминнан Аллагънал ﷻ кумаграйн умуд къабикіай, мукунми Заннан къаххиранутѳий. Аллагъу Тааьланал Идавсил ﷺ асхлабтурая Къуранналу увкуну бур: «Цаннащал ца миннал даки хъун къадайссар, иминшиву дайссар, душманнащалив лайкъсса куцѳуй бикіайссар». Даки хъун шаврил сававрду личѳи-личѳисса дикіайссар: – Даки хъуннасса кулпатраву хъуни хъусса инсантал, чѳивинияца му азарданийн аьдат хуну бикіайссар. – Чѳяруну царду даврилгу му азар диян дайссар.

Даки хъунасса инсанная цѳарагу дурну къахъинссар, ца дуван багълай бухъурчагу, тѳайламур учин аьркинссар, бакъу къабихълай. Цал ца хъамитайпалул Оьмар асхлаблукъ

ﷺ увкуну бур: «Хъхьичіва вийн Оьмайр чайссия, базаллуву мюрщи оьрчѳащал тѳуркѳу тий ивкѳсса. Тѳирив ина муъминтурал хъунама ура. Аллагъ ﷻ дакѳинйну икѳу, дакѳу хъун мадував». Мунил мукъуртѳил лагмами гъалак бувккун бур: «Ина мунил увкумур циван бухллай ура?» – тий. Оьмардуллив ﷺ гъарца цахъва укмуниху вичѳи дирхъуну: «Аллагъ ﷻ ванил тѳимуних вичѳидихълайсса хъамитайпар ва», – увкуну бур. – Даки хъунисса инсантуращал дусшиву даву: «Вил гъалмаху цукунсса урив, инавагура мукунсса», – тѳисса мяъна дусса хіадис буссар. – Ца ишираву лахъсса даражалингу гъаз хъуну, миккун цува иян увма хъама ивтсса инсан лахъхъайссар Муса Идавсил ﷺ чѳумал яла авададну ивкѳсса Къаруннуха, лагмаминнал, садакъа чѳяву ба куну, машвара бувний, «Вай на ттула захіатрайну ва аькѳулий лявкъусса хъусри», – увкусса.

– Аькълу, элму, кѳулшиву дакъана, цува гъарзад кѳулмара тѳисса, мьррипат дакъасса инсан хъуна хіаким хъурча, цахъва тѳимуних къулагъас къадуллай, бувсса маслихат къамул къабуллай, инсантал ссанкѳуй сан къабуллай икѳайссар.

– Инсаннан цува ва дунияллий циван лявхъуссарив хъама итарча, цува аьрщаравун зана хъуншивугу хъама битайссар.

– Инсантурал чулуха къулагъас чѳяру хъуний.

– Аваданшивруву вайминнащал бясччал буллай, Аллагънал ﷻ дуллусса хъусгу такѳуй къуртал къахъунссар тий, ми цала ихтиярданулу дусса ххай икѳаву, цува буржлѳусса Аллагънайн ﷻ щукру буван кіанай.

– Цува вайминнаяр ххуйссара, вайминнаяр чѳярусса дурссар тѳима. Мунияту аьлимтурал учайссар: «Ххуйма чѳярусса дурма акъарча, тѳайлама ва хіакъмари», – куну.

– Цала даки хъуншиврул савав къақѳулма.

Загъирсса даки хъуншиврул лишанну:

– Ухъгтансса, ялтѳува урувгсса, вайминнаяр ляличѳисса ачаву.

– Духлн дакъасса, лагмаминнан зарал бусса тѳуллу, зулму баву;

– Инсантуращал гъалгъа къуртлийну баву;

– Аьжаивсса, ляличѳисса яннарду лахъаву, лагмаминнан цайва ябацѳаншиврул;

– Цахава хѳурмат баврийнсса ва ца даврийнсса ччаву;

– Инсантал цала лувату бизаву ччишиву;

– Ёарцаннал хъхьичі ачин ччишиву, гъарминнаяр лахъма, ххувма хъуну.

Даки хъуншиврул ахъулсри:

– Даки хъуншиву дусса инсаннан къалайкъссар хайр я Исламрая, я Къуръандалия, я Идавсил ﷺ сунналия. Аллагъу Къуранналу тий ур мукунминная: «На ми Хіакъсса ххуллиа баччан банна», – тий.

– Му инсаннал къюкліливу паракъатшиву къадикіайссар: Аллагъ ﷻ тий ур: «На мукунминналийн къюкліливу рахілат гъан хъун къабитанна».

– Му гъар мудан буруккинттай икѳайссар. Аллагън ﷻ тий ур.

«Миннал пикри бикіайссар цивпа тѳайламиру тѳисса, бѳайкълай бунува».

– Хіакълия цуксса архну урив бурувгуну, даки хъуншиврул инсан Дужагъравунгу утан бюхъайссар. Дужагърая буслайни, Идавсил ﷺ увкуну бур: «Дужагъравунминнавух буссар дакѳру хъун дуллай бивкѳмигу».

Даки хъун даврил азар хъин дайсса къяйдарду:

Ёарца хъин хъун пикри хъуманаща му азардания хъин хъун бюхъайссар. Муният хъин шаврилгу 14 къяйда дуссар.

– Цѳлчинмур ша – инсаннан цува къашавай усса бувчлаву.

– Къашавайминначлан, литѳун чѳун дуркѳминначлан зиярат баву. Миннах урувгуну, цала чѳунгу дѳчлансса бувчлуну, даки яларай дуваншиврул.

– Цалла куннасса азар думинная архуцаву. Идавсил ﷺ увкуссар: «Аллагъная нигъ думиннащал дакъа дусшиву мадари, зул дукрагу мукунминнал дакъа къадуканнав», – куну. Мукунма, Идавсил ﷺ увкуссар: «Хъунмасса хіал булуvara къашавайсса, мискинса пакъирсса инсантуращал».

– Хіакъмуничлансса ххуллу лякъин гъармудан пикри баву.

– Пикри къабулларча, инсаннан цува цуририв, цала кіану цумурдив, цанма багъа цуририв къабувчлѳайссар.

– Даки хъуними хъама къабитаву, миннал ахир ссайн дуркссарив дакѳиний бикіаншиврул.

– Элмулчлан кѳункѳу тѳун, элму дакъашиву дунутѳий, жула аьйрду ларитайсса цѳан-хъхъу, элмурив – жула ххуйсса сипатру чѳалачи дайсса чани.

– Даки хъуншиву яларай хъунсса тѳуллу дуллан, хъхьичіра дуван даки къадиллай диркѳсса. Идавсил ﷺ цала дакъин дайсса диркѳсар цала усру, янна.

– Чѳяруну зума дугълан, мунил кумаг бантѳиссар мискин-гъарив бувчлин.

– Чақру чѳяву буллан, Аллагънайн ﷻ мукѳрушиву ккаккан дуван, цала даки, цаманал ччанну бизайни цала ненттабак бихълай, яларай дуван.

Мизитравун чѳявуну занан, бусурманнащал хіала хъун, цан чирча, къадикіайнутѳий миннал дяниву личѳишиву, авададнса ура, мискинсса ура, хіаким ура, зузала ура.

– Хіатталлийн чѳявуну ияван, бивкѳулия пикриллий, ва дуниялгу панасса душиву дакѳин руртуну, даки яларай дуван.

– Виятува оьбала бивманахъ багъишла ува учин.

Даки хъуншиву дахчилан дикіайнутѳий, му ша ласун.

– Даки думанал хъхьичі къақюкълан, къюкъаврийну танал даки хъиннура хъунна дайнутѳий. Къуръандалу увкуну буссар, инсантал личѳи бакъассар, Аллагънаясса ﷻ нигъ душиврийну бакъа, тий.

– Муданма хіарачат буллан Аллагъначлан ﷻ гъан шавриву, садакъа буллай, зумарду дугълай, зикри-мавлудру, вирдру ва Къуръан ккалай.

– Вихва инава личѳулуну икѳаву, ци аьйрду дурив урувгуну, Аллагънахъ ﷻ багъишла ува тий, миннуя марці хъанан. Дулуннав Аллагънал тавпикъ жува му Иблислул азарунния хъин хъун.

Цусса миналий цусса мизит

1 « Жамьатрал чулуха мизит бан кумаг бувминнахь ва байрандалин бавтминнахь барчаллагь увукунни шярваллил хьуначу Нурмухаммад-хажи Айдановлул. Мажлисраву гьурттушинна дурунни Дагъусттанал халкъуннал мажлисрал депутат Зайнуллагь Мирзаевлул, Дагъусттан Республикалул Виваллил

политикалул управлениялул хьунама Артур Исрапиловлул ва райондалул администрациялул бакIчи Хажигь Айдиевлул. Хажигь Шихамировичлул бувсунни шикку мизит банса хIукму Сулейман Керимовлул цукун бувссарив: «Тюхчардал шярватусса Эфендиев Мансури тIисса хьуначунал бивкIун бур Сулейман

АбусайдовлулчIан чагьар чивчуну, цала шяраву мизит бан кумаг бува тIий. Ца кьини жучIан администрациялувун бувкIуна Керимовлул гьан бувсса инсантал, Тюхчарав мизит бан ччай буруча, аьрци дулара, тIий. Жу махIаттал хьуссияв, циванни цамур кIанай кьабувну Тюхчарав бан, тIийча, гайннал ттун ккаккан

бувна Мансурил чивчусса чагьар. Гайннашал маслихIатту бувну, жу хIукму бувссия мизит райцентрдалий бан». Шярваллил жамьатрал хIукмулин бувну, мизитран дирзунни НицIавкIратусса шайх Сайфуллагь-кьадинал цIа. Имамнугу ивтунни вара шяравасса Амиров Давуд-хIажигь.



Нава заллусса х'айвандалун ц'а дизан буч'иссрив?

Х'айвандалун ц'а дизан шариатрал ихтияр дуллалиссар. Идавсил ﷻ бивк'иссар кьуния мукьва чу, ва гьарцанун ц'ардугу дирзун дирк'иссар. Аьбурах'Иман Сахавинал «Тах'рурул жаваб аьн х'укми зарби ддаваб» т'исса луттираву увкуну бур х'айвандалун ц'а дизаву суннатсар, куну. (Фатх'ул Бари, Оьмдатул Къариф, Тах'рурул жаваб аьн х'укми зарби ддаваб)

Къурьандалулу цими аят буссар?

Къурьан бувч'ин байсса тафсир-элмуллу хъунасса имам Саьлабинал увкусар: «Къурьандалулу буссар ряхазаллий ряхттурший ряхц'алва аят» – куну. (Бугъятуль мустаршидин)

Къурьандалулу цими х'арп дуссар?

Имам Саьлабинал т'имунин бувну, Къурьандалулу дуссар ца миллион ва кьуния мукьзарда х'арп. (Бугъятуль мустаршидин)

Чак буллалисса ч'умал ттул бак'равун лич'илич'исса пикриду бухлан бик'ай, мунил ц'аний цими ракааьт дурссаривгума хъама битай. На ци бан аьркинссар?

Хъунасса аьлимчу Багъауддин Накъшубандинал увкуссар: х'узурданий (Аллагъ ﷻ дак'нийну) ик'аншиврул аьркинссар мукьра зад:

1. Так х'алалсса дукра дукаву;
2. Чаклин иссайни гьафлатраву (небрежность) къаик'лаву;
3. Чакливу цалчинсса «Аллагъу акбар» учайни Аллагъ ﷻ дак'ний ик'ан;
4. Чак бувну махъу Аллагъ хъама къаивтун, х'узур бувгуну ик'ан х'арачат баву.

Гьаттаву аьзав къадайсса халкъ бик'айссарив?

Х'адисиргтаву бувсун бур цаппара инсантал гьаттавусса х'исаб-суалдания тархъан хъуншиву:
 – Гъазаватрайн уккансса ниятрай ивк'ума;
 – Гъазаватрай ивк'ума;
 – Т'яун-ц'уц'лаву (чума) дирну ивк'ума;
 – Цукунч'лавсса щак бакъа Аллагъу ﷻ ца ушиву, Мух'аммадгу ﷺ Идавс ушиврий авц'уну ивк'ума;
 – Балугъравун къабивну ливт'усса оьрч'ру;
 – Гьарца хъьуну утту ишиннин сура «Аль-Мульк» («Табарка») ягу сура «Сажда» («Алиф, лам, мим»), буккайма. Мункар-Накирнал суал бант'иссар ивк'уну махъ жаназа аьрщараву къадурч'уну ливч'миннахъу, чурх ччувчуну так лах ливч'миннахъу, хъьхъириривун оьвкъманахъу, жанавартрал увкуманахъу. Цамур х'адисраву увкуну бур шагидтал ва мюрщисса оьрч'ру лич'аннин гьарцаннахъ х'исаб-суал бант'ишиву.
 Ч'явуну «Къульгъу» буклай ивк'иманан Мункар-Накиртурал суаллахъьун т'айласса жаваб дулун бигъану бик'ант'иссар, миннан гьаврду къумагу къахъунт'иссар. Мукунсса инсан Къиямасса кьини малаиктурал увцуну Сират'рал ламуйх лахъан увну, Алжаннавун уххан ант'иссар, куну бур. Ялагу увкун бур, х'атталливсса аьрщарая к'ияма бувц'уну, мунил ялув сура «аль-Къадр» («Инна анзальнагъу...») бувк'уну, ивк'уманал сурураву биширча, мунал гьаттаву аьзав къадик'айссар, куну. Ч'явуну «Инни аманту бираббикум фасмаоьн» учайманалгу бигъану жаваб дулунт'иссар Мункар-Накиртурал суаллахъьун. Ньюжмар хъьунугу, му хъьунил даражалул хъуншиврухлу гьаттавуминнан аьзав къадик'айссар.
 Марк'ач'ан чаклил хъирир к'ира ракааьт суннат-чаклил дурну, гьарца ракааьтраву ац'ния х'хюйла сура «Аз-Зальзала» бувк'уманан бивк'уллул сакара бигъа хъунт'иссар, гьаттал аьзаврая ххассал хъунт'иссар, зах'мат къавхъуну Сират'рал ламуйх лахъант'иссар, куну бур. Аьббаслул ﷻ бувссса х'адисраву. Ч'явуну «Ла илагъа илля Ллагъ» учаймигу цимурца аьзаврая бурувч'уну бик'ант'иссар, куну бур цамур х'адисраву.

Х'АЖ-2013

Х'урмат бусса лакрал жамят, уссурвал ва ссурвал! Сакин буллай буру гъашину цала кашилийну Х'ажлив гъан ччисса лакрал группа. Ц'уххаву дан хъунт'иссар ва номерданийн оьвкуну: 8-989-864-32-69

ДУАЬ

К'ЮРХ ДУРК'ИУКУН ДУККИ:

أَصْبَحْنَا وَأَصْبَحَ الْمَلِكُ لِلَّهِ رَبِّ الْعَالَمِينَ. اللَّهُمَّ إِنِّي أَسْأَلُكَ خَيْرَ هَذَا الْيَوْمِ فَتَحَهُ وَنَصْرَهُ وَنُورَهُ وَبَرَكَتَهُ وَهُدَاهُ وَأَعُوذُ بِكَ مِنْ شَرِّ مَا فِيهِ وَشَرِّ مَا قَبْلَهُ وَشَرِّ مَا بَعْدَهُ. اللَّهُمَّ إِنِّي أَصْبَحْتُ أَشْهَدُكَ وَأَشْهَدُ حَمَلَةَ عَرْشِكَ وَمَلَائِكَتَكَ وَجَمِيعَ خَلْقِكَ، أَنْتَ اللَّهُ لَا إِلَهَ إِلَّا أَنْتَ، وَحَدِّكَ لَا شَرِيكَ لَكَ وَأَنْ مُحَمَّدًا عَبْدُكَ وَرَسُولُكَ

Асбах'Ина ва асбах'Иал мулку лиЛлягъи Раббил аьлабийна. Аллагъумма инний асьалука хайра гъазал явми, фатах'Иагъу, ва насрагъу, ва нурагъу, ва баракатагъу, ва гъудагъу, ва аьозубика мин шарри ма ф'игъи, ва шарри ма бьаьдагъу. Аллагъумма инни асбах'Иту ушг'идука ва ушг'иду х'амалата аьрщика, ва малаикатака, ва жам'иаь халкъика иннака анта Ллагъу ла илагъа илля анта, вах'Идака ла шар'ика лака, ва анна Мух'аммадан аьбдука ва расулука.

**Х'урмат бусса уссурвал ва ссурвал!
 Зунма ц'уххин ччисса,
 Исламрац'ун, Шариатрац'ун,
 кулпатрал багъу-бизулуц'ун бавх'усса ва цаймигу суаллу гъан бан бюхъайссар SMS – райх'ин 8-928-580-37-89 номерданийн, ягу 51-85-22 номерданийн оьвкуну ц'уххин.
 e-mail: assalamlak@mail.ru**

Медресе имени шейха Мухаммад-Арифа и Дагестанский Исламский Университет имени шейха Мухаммад-Арифа

ОБЪЯВЛЯЮТ ПРИЕМ АБИТУРИЕНТОВ НА ОЧЕРЕДНОЙ 2013/2014 УЧЕБНЫЙ ГОД

Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».



Продолжительности обучения:
 в Медресе – 3 года;
 в Дагестанском исламском университете – 5 лет.

ПЕРЕЧЕНЬ ДОКУМЕНТОВ НЕОБХОДИМЫХ ДЛЯ ПОСТУПЛЕНИЯ:

1. Нотариальная копия документа о среднем общем образовании (поступающим на базе основного общего образования (9 класс.) вместе с нотариальной копией аттестата необходимо представить справку со школы о переходе на семейную форму обучения)
2. Копия паспорта;
3. Фотокарточки размером 3/4 в количестве пяти штук;
4. Медицинская справка Ф 086;
5. Копия прививочного сертификата Ф 156/у-93;
6. Рекомендация от преподавателя религиозного обучения либо от руководителя мечети (имамы) расположенной по месту жительства абитуриента.

Прием документов с 1 июня по 17 августа.

Наш адрес: г. Махачкала, ул. Дахадаева, д. 136
 Тел.: (8722) 67 55 08; 8 988 294 56 16

**Рузнама
 Сентябрь**

Кьини	К'юрххил чак	Баргъ букваву	Ахтгайн чак	Ахтгакъун чак	Марк'ач'ан чак	Хъат'ан чак
1	4:27	6:08	12:49	16:31	19:30	20:59
2	4:29	6:10	12:49	16:30	19:28	20:57
4	4:32	6:12	12:48	16:28	19:25	20:54
6	4:34	6:14	12:47	16:26	19:21	20:50
8	4:37	6:16	12:47	16:24	19:17	20:46
10	4:40	6:18	12:46	16:22	19:14	20:42
12	4:43	6:21	12:46	16:20	19:10	20:37
14	4:46	6:24	12:45	16:17	19:06	20:32
16	4:49	6:26	12:44	16:15	19:02	20:27
18	4:51	6:28	12:43	16:12	18:58	20:24
20	4:53	6:30	12:42	16:09	18:54	20:20
22	4:56	6:32	12:42	16:08	18:52	20:16
24	4:58	6:34	12:41	16:05	18:48	20:13
26	5:01	6:36	12:40	16:02	18:44	20:09
28	5:03	6:39	12:40	16:00	18:41	20:06
30	5:05	6:41	12:39	15:57	18:31	20:02